


Tutunlap mi Awewei Ossini

Anneta ekewe Soufoss

Kings 22:1-40

Ahab, ewe kingen Israel mi fokun ngaw, a mochen epwe eniapa ew neni itan Ramoth-gilead seni ekewe chon Syria. Iwe a tungorei ewe kingen Judah itan Jehoshaphat pwun epwe fiti me maun ngeni ekewe chon Syria. King Jehoshaphat a ereni pwe mi pwapwaiti an epwe fiti me maun nge epwe akoum mwir me won Kot akoum.



Ahab a fen fangetani an nukunuk non fite ier nge a pin ngeni emon ko titan Baal. Iwe a kokori ekewe 400 soufosun Baal pwe repwe feito uta mwen meser me king Jehoshaphat. Ekkei soufos chofona ra fokun poporuk oh apasa ngenir, “ Feino fiu ngeni chon Syria, kopwe fokun winenir! Nge King Jehoshaphat a mochen pwe epwe sinei seni emon neun Kot Soufos

Ahab a apasa, “ Mei wor emon Soufosun Siowa itan Micaiah, nge a pwan apachata, “ Uwa fokun oput; pwun metoch meinisin a osini fanitei mi chok ngaw. Eseor met mi eech me non.” wokisin 8.

Ahab a ereni emon neun kewe chon angang pwe epwenoo kokori ewe soufos Micaiah. Ewe Soufoss mi fokun pworacho a feito iwe a wau an ossini mi sokono seni meinisin ekewe ekoch soufos. A ereni Ahab pwe ii epwe mano non ewe maun ngeni chon

Syria. Iwe King Ahab a fokun kotongaweno. Met epwe nuku ekewe 400 soufos chofona, ekewe ra fokun chofona ngeni pwe epwe wineni ewe maun ika epwe nuku ewe emon chok soufos neun ewe Samol mi lapalap?

. Nukumach King Ahab a ereni King Jehoshaphat pwe epwe nikitano metewe soufos Micaiah e apasa nge epwene fiti repwene noo maunnei ekewe chon Syria. A ekieki pwe a tongeni epwe okufu met Kot a osini fanitan, iwe a ufouf ufoufen maun seni macha iwe a nom mwirichikin neun kewe sounfiu. Nge king Ahab a niamam me murin a sineni nge eseor emon epwe tongeni suu seni osinien ewe Samol mi lapalap. Efoch foun nikapich a weneiti King Ahab oh kuku nekochuun ufan ewe fouten sounfiu

iwe a pwereni unuchan. King Ahab a mano ren an a pupunoo chaan nefon wanewe Chariot.

Sises a ereni kich pwe sipwe tumunu kich pwe non ekewe ranin soponoon epwe chomong soufos chofona (Matthew 24:11). Ina pwata a men anche ach sipwe sinei ekewe soufoss mi pwung seni ekewe soufos chofona. Pwun mei nom nefinen manau me mano!

© 1999, 2010 Amazing Facts, Inc.
All Rights Reserved



1. Iokewe Kot a pwari ankewe kokot ngeni?

Amos 3:7 ⁷Ellet, Kot ewe Samol mi Lapalap esap föri och ika esap pwäri mwo mine a ekiekietä ngeni nöün chon angang ekewe _____

2. Epwe wor soufos chofona me soufos mei enlet non ekewe ranin soponoon?

Matthew 24:11 ¹¹Mürin chomong soufos _____ repwe feito o atupala chomong aramas.

Acts 2:17. ¹⁷Kot a apasa: lei usun met üpwe föri lon ekewe ränin sopolan. Ngang üpwe tinato _____ won aramas meinisin. Nöümi _____ me _____ repwe osuni, nöümi alüal epwe wor künaer, ekewe chinlap mwän me leimi repwe soutatan.

Note: Ewer epwe wor soufos mi enlet pwan mi chofona non ekewe ranin soponoon. Paipel a aiti ngeni kich pwe mei tongeni an epwe fefin ika mwan.

3. Ikafan ekena sokun soufoss chofona paipel mi kapas usur mi pwan atipisir?

- A. "Soupweej." Deuteronomy 18:10.
- B. "Soufuu ." Deuteronomy 18:10.
- C. "Chon peut." Deuteronomy 18:10.
- D. "Emon witch ika soupwe fefin." Deuteronomy 18:10.
- E. "omwung." Deuteronomy 18:11.
- F. "Chon awarawar ngun." Deuteronomy 18:11.
- G. "Emon mwan emon chon peut." Deuteronomy 18:11.
- H. "A necromancer emon chon foss ngeni ekewe ra mano." Deuteronomy 18:11.

Note: Deuteronomy 18:9-12. A apasa ngeni kich pwe ion a fori ekei metoch ii emon mi anioput ngeni ewe Samol. Ren ei wewe, esapw fokun wor emon soulang epwe fori ekei sokun fofor.

4. An Kot ewe enletin Mwichefel non ekewe ranin soponoon epwe wor rer ewe tufichin ossini?

Revelation 12:17. ¹⁷Iwe, ewe trakon a fokun lingeringeriti ewe fefin, a feila seni pwe epwe fiu ngeni lusun mwirimwirin kewe, ir chokewe meinisin mi aleasochisi än Kot kewe allük o ra allükülük lon ewe _____ Jesus a _____ (Testimony of Jesus).

Revelation 19:10 ⁰Iwe, üa chapetiu arun pechen ewe chon läng pwe üpwe fel ngeni, nge i a üreniei, “Kosap föri iei usun! Ngang eman chiechiom chon angang me chiechien pwiüm kewe, chokewe meinisin mi kamwöchünük won ewe let Jesus a pwärätä. Kopwe fel ngeni Kot!” Pun ewe let Jesus a pwärätä, iei met a amwelielia ekewe soufos(spirit of prophecy).

Note: Usun sia kaeo non ewe lesson 17 pwe an Kot ewe mwichefel non ekewe ranin soponoon ewe repwe komoch ewe “ Pwarata usun sises,” ewe tufichin ossini. Nupwen sia anono fengeni Pwarata 19:10 me Pwarata 22:9 sia kuna pwe ewe Chonlang a awewei pwe pwin John ewe, ewe mi nom ren ewe tufichin osini “ekewe soufos” pwan ekewe ra tumunu met ewe puk mi pin a apasa.” Non 1 Corinthians 1:5-8, Paulus a apasa pwe ewe enletin mwichefel epwe amwochu ekewe” Pwarata usun Sises” repwe pwan angei ekewe nifangen ewe ngunmifel kewe tori an Sises we oruwen niwin sefan. Iwe enletin pwe an Kot we mwichefel non ekewe ranin soponoon epwe nom rer ewe tufichin osini.

5. ikefa anen an Kot kapas ngeni neun kewe soufos mi enlet?

Numbers 12:6, 8. ⁶Iwe, a üreniir, “Oupwe aüseling ai kapas: Are mi wor eman soufos leimi, ngang ewe Samol mi Lapalap üpwe pwäri ngeni üsi lon _____, üpwe pwal kapas ngeni lon an _____. ⁸Üa fos _____ ngeni lon kapas mi fat, nge sap lon kapas monomon. Nge i a fen küna lapalapei. Pwota chök ousap niukus le esita nei ei chon angang Moses?”

Zechariah 4:1. ¹Iwe, ewe _____ mi piin kapas ngeniei a feitosefäl o apwöküei, usun eman a apwökü eman seni an möür.

Note: Ewe Samol a kapas ngeni neun kewe soufos non kunaier tan, ika non ar kapas fengen ika epwe tinatiw emon Chonlang ngenir. Ekewe foun ramune me emon epwe aneani non poum, aea chon ira pwe repwe sinei metoch, emon epwe aneani fuu, ika kapas ngeni ngunun ekewe ra mano, ekei metoch meinisin rese feito seni Kot. Esapw pwan iei anen an Kot kapas ngeni neun Soufos.

6. Manaman ina esisinin emon soufos mi enlet?

Revelation 16:14 ⁴Ir anün _____ mi föri _____. Ekei ülüman ngün ra feila ren ekewe kingen unusen fanüfan ar repwe achufengeniir, pwe repwe maun lon ewe rän mi lap än Kot ewe mi Unusen Manaman

Note: Apw, esapw pokiten emon a fori och manaman iwe ita sipwene nuku pwe ii emon soufos mi enlet. Ew chok metoch ra anetata ngeni kich; ewe manaman ew supernatural. Nge manaman mi tongeni an epwe feito seni Kot ika fen Setan. Ina pwata ew Samol a ereni kich, “ Kosapw nuku iteiten Ngün meinis nge kopwe sotunir ika pwun ra feito seni Kot. Pokiten a chomong Soufos chofona ra taropas non unusen fonufan.” 1 John 4:1.

7. Ifan ena pisekin pwarata ren emon enletin soufos seni Kot?

Isaiah 8:20 ²⁰Apwi, oupwe chök rongorong än Kot kewe _____ me _____. Nge are ousap apwönüetä ekei kapas, esap wor remi saram.

Note: Ewe Annuk me Ekewe Puken Pwarata, iei iten ewe paipel non ewe testamenin noom. Ika pwungun pwe ewe Soufos a feito seni Kot iwe sipwe anonoii ngeni ewe paipel ika pwe manawan me nonomun me osinian epwe taitap ngeni ewe paipel. Sipwe sotuni ewe soufos ren ewe paipel. Nge sisapw fen sotuni ewe paipel seni ewe soufos. Meinis soufos mi feito seni Kot repwe fokun tipew fengen non paipel 100%. Iei ewe enletin pwarata.

8. Ifan ena oruwen pwarata ren emon enletin soufos?

1 John 4:2. ²Iei usun ämi oupwe tongeni silei ika iei i ewe Ngünün Kot: Iteiten ngün mi _____ pwe Jesus Kraist a feito o wiliti aramas a feito seni Kot.

Note: Emon soufos mi enleti epwe sineni me osukuna ewe enlet usun Sise Kraist- Pwe ii Kot nge a winiti emon aramas. Emon enletin soufos epwe atekiata Sises nge esapw pwusin ii. Napengeni Soufos chofona refen asepa aramas seni Kraist nge ra okunu aramas ngenir pusin me arkewe chofona.

9. Ifan ena aunungatin pwarata ren emon soufos mi enlet?

Matthew 7:16 ¹⁶Ämi oupwe silleniir ren mine ra _____. Ekewe iräföföfö resap uani uän kurukur, nge ekewe lantana resap uani uän apel.

Note: Esapw wewen nge soufos meininis ir mi unuseech. Meininis neun Kot kewe enletin soufos mi pwan wor ar apwangapwang ika nipwakingaw. Nge inamo, ika pwe iir enletin soufos seni Kot iwe repwe manaweni usun met paipel mi osukuna.

10. Ifan ewe aruwanun pwarata ren ewe enletin soufos?

Jeremiah 28:9. ⁹Nge eman soufos mi osuni usun kinamwe a chök sil pwe i eman soufos ewe Samol mi Lapalap a wesewesen tinato, lupwen an kapasen _____ a _____.”

Note: Emon soufos mi enlet esapw osini och metoch ese pwonueta. Ika pwe ii emon soufos seni Kot, iwe metoch meininis mi ossini epwe chok pwonuta. Nge esapw pwan ita wewen pwe ika emon aramas a osini iwe mi pwonuta an ossini iwe ita sipwe era pwe i emon soufos mi enlet. Deuteronomy 13:1-3 a aporoussa ngeni kich pwe ekewe mwo soufos chofona ra tongeni ar repwe pwan ossini pwan fori sokun manaman mi amwarar iwe ra emwenano chomong aramas ar repwe pin ngeni ekewe kot mi chofona. Emon enletin soufos epwe emweni aramas ar repwe pin ngeni Kot anongonong won met paipel a apasa.

11. Ikefan ekena 3 metoch Paulus e erenikich usun osini?

1 Thessalonians 5:20, 21 ²⁰ _____ turunufasei ekewe kapasen osuni, ²¹nge oupwe _____ meininis. Iwe, oupwe _____ mine a mürina

Note: Paulus a apasa pwe sisapw fokun oput ika angawa ewe nifangen ossini nge sipwe fen katon me anonoi mefien ewe soufos ngeni met paipel a apasa oh sipwe fori met mi pwung me enlet.

12. An ion eureur sia nikitanoi ika pwun sia ponuku anon ekewe enletin soufos?

Luke 7:28-30. ²⁸Üpwe ürenikemi, Johannes a lap seni aramas meininis mi uputiu won fanüfan. Nge iön mi kisikis seni meininis lon Mwün Kot a fen lap seni Johannes.”²⁹Iwe, ekewe aramas meininis, pwal mwo nge ekewe chon ioni takises ra rongorong än Jesus kapas, ra aleasochisi än Kot kewe allük, pun ra papatais ren Johannes. ³⁰Nge ekewe Farisi me ekewe Sensen Allük resap etiwa än _____ fän iter, pun resap mochen ar repwe papatais ren Johannes

NOTE: Nupwen sise ausening ngeni anon emon soufos mi enlet, a wewe ngeni choock nge sia nukumach ngeni Kot. Paipel a ereni kich pwe sipwe ausening ngeni neun Kot kewe soufos, a pwan pwonei pwun emon a aneasochi ngeni neun kewe soufos repwe fokun feioch.

2 Chronicles 20:20 ²⁰Iwe, ekewe aramas ra pwätä lesosorusichin sorotän ewe rän o feila lon ewe fanüapön Tekoa. Nge lupwen ra feila, Jehosafat a ütä mwer o üreniir, “Oupwe aüselingaei, ämi chon Juta me chon Jerusalem. Oupwe anomu ämi apilükülük

won ewe Samol mi Lapalap ämi we Kot, pwe oupwe üpöchökül, oupwe pwal lükü mine nöün kewe soufos ra ürenikemi, pwe oupwe win.”

Om finata

Pokiten Kot mi chok chiwen kapas non neun kewe soufos, pwun an ekewe soufos mi murino kapas nge ina ekewe pwarata an Sises ngonuk pwan ngeniei, en mi mochen om kopwe sotuni me aneta ekewe soufos seni ewe paiple pwan aneasochisi ekewe eurerur seni irr ekewe mi fiti ngeni paipel?

Ponuwan

: _____

Supplement

This section provides additional information for further study.

Modern-Day Prophet

Non December 1844, ew mwichen finanisi seni ewe mwichefel Methodist ra fotupukutiw non iotek non Portland, Maine, nupwen Ellen Harmon—emon nengin 17 ierin mi apwangapwang inisin—a angei an we aewin taan,nemasepwi(vision). Nupwen Ellen (ewe a winiti Ellen White mwirin an pupunu ren emon anuon chon angang itan James White) a aporoua met Kot a pwari ngeni, a sopweno ne angei nemasepwi me tan ren ukukun 70 ier—tori an mano non 1915.

Usun chok a fis ngeni ekkewe soufosun non paipel, ekkoch mettochun inis mi nap seni aramas ra fiss ngeni Ellen White atun an kewe kuna kunaian. Usun chok ewe soufos Taniel, ese asoso nupwen a nom non kunaian me fan chommong akkomw a pout seni pochokunen inisin (Taniel 10:8, 17). Ekkoch an kewe taan(langepwi) ra tori ukukun ruwanu awa, nge ese ngasangas unusen ewe fansoun. Ekkewe tokter mi ettina i atun a nom lon langepwi ra annetata ena poraus.

Lon pwal ekkoch fansoun, a pwal angei ewe manaman mi lap seni aramas (Taniel 10:18, 19). Inamwo ika Ellen a chok 95 paun choun, nge ekkewe chon pwarata ra kuna an a amwochu eu Paipelin famili 17 paun lon poun a sapa non peun non ukukun 30 minich atun a nom lon ewe langepwi. Ekkeei me pwal ekkoch mettoch mi fis lon pekin inis ra pwarata pwe a wor och mettoch mi amwarar ussun minne a fis ngeni emon soufos. Iwe nge, rese erenikich ika ewe soufos a feito seni Kot are seni Setan. Lupwen ra kuna och mettoch mi manaman mi apasa pwe a wor ewe liffangen oesini, kich soulang sipwe sotuni seni met mi mak Paipel pwe sipwe kuna ika mi enlet.

Sotuni seni ekkewe ruwanu asossot lon Paipel.

Sipwe nenengeni fengeni pwe sipwe kuna ika manauen me angangen Ellen White a nongonong won ekewe ruwanu sossotun emon soufos mi ennet .

Aewin Sossot—A Tipeeü ngeni Paipel

Kopwe alleani makeien Ellen White kewe puk, iwe, kopwe kuna pwe afen emmwenuk ngeni ewe Paipel me a unusen tipeeü ngeni ewe paipel. Iwe nge, ese ekieki pwe makkeian kewe sopusopun ewe paipel. Makeian kewe rafen emweni ekiekin noun Kot kewe aramas ngeni ewe Paipel ika fen eniwiniir ngeni ewe Paipel pwe ina ewe popun enlet. Nengeni, Ellen White a kapas non an pwarata mi pworachou pwe ewe Paipel ina chok ewe allukun fan ach nukunuk: “Lon ach ei fansoun a wor watte rikilo seni kewe afalafal me alluk non paipel nge a lamot ach sipwe liwiniti ewe alluk mi lapalap, ewe Paipel pwe iei chok ach epinukunuk, ewe Paipel chok, pwe ina ewe allukun fan ach luku me wiisach.”

”1

A pwan makkei: “Ekkewe kapasen pwarata mi makketiw rese awora saram mi fo, nge repwe apachanong non ewe netip ekkewe ennet rafen pwano. Wisen aramas ngeni Kot me chiener aramas a fen affat non an Kot we Kapas nge a fokun chokukun aramas ra mochen aneasochis ngeni ewe saram kot afen aiti ngenir. Eseor minafon enlet e apachata nge Kot a fen amecheresi ekkewe ennet mi nap mi fen kawor me non An pwisin napanap pwun epwe anenoi me echungu ekiekir pwun esapw wor emon epwe tipingen.

Inaamwo ika Ellen White a menlapei pwe makkeian kewe resap fokkun ekieki pwe ir kinikinin ewe Paipel, nge ra popu seni ngunun Kot. Chommong me nein noun Kot kewe soufos mi nap —usun Elijah, Elisa, me Jon Papatais —ra nom fan emmwenien ewe ngun mi fel, nge eseor makeier puuk non paipel. Mei tongeni awewei makkeien Ellen White pwe ew saram mi kukkun a emweni ngeni ewe saram mi watte, ewe Paipel. Ra angang ussun chok eu awewe mi popu seni ngunun Kot, nge ewe Paipel a chuen ewe nemenem mi tekia seni meinisin.

Oruwan asossot—Osukuna ewe enlet usun Sises

Ekkewe puk makeien Ellen White — Ewe Mochenin Fansoun(Desire of Ages), Ekkewe Lesen an Kraist(Christ Object Lesson), Natte ngeni Kraist(Steps to Christ), me Ekiek seni ewe Chukun Feioch(Thoughts from the Mount of Blessings) —ir meinisin ra pwarata usun an ei fefin mi apwonueta ei asossot pwe ii emon soufoss mi enlet. Ese apasa och mettoch ussun pwisin i lon ekkena puk, nge ekkei meinisin ra aiti ngenir, Sises.

Aunungatin asossot—Enletin manawen emon Soulang mi tapweno murin Sises

Ewe press, a apasa usun manon Ellen White, a apasa: “Manauen Mrs. White ew pisekin appiru mi fich ngeni meinisin ar repwe appiru. ... I emon chon kaeo mi tipetekison, me pworachou non an tapweno murin Kraist, oh a achocho me fori mettoch mi murinno. Chomong aramas ra offonoi oh ra fokun etiwa. Mi itefoulo lon lamalam me emon mi arapakan tiwe ierin a uren foffor murinno, kapas kirokiroch, me iotek mi enlet fan iten aramas meinisin ese nifinifin.”

¹ *The Great Controversy* (Mountain View, CA: Pacific Press, 1950), p. 204, 205.

Eruwanun asossot—An ossini meinisin mi chok pwonueta

Ekkewe ekkoch ossini usun masowen mwach Ellen White e ossini ra mecheresin annetata. Nengeni mei wor ew an Ellen white ossini e makei non ekewe ier nge usun ita nge maken chok ikenai ika iwe nesosor nge a makei mwemwen an esemwo wor ekkei chommongun pisekin sai ikenai ra foruta. “Ekkewe feiengau won taraku repwe chommongolo, osukosuk, fitikoko, me malo nge esap wor fansoun esinesin(warning) mwen an epwe fis won ekkewe al mi watte.”

Ellen White a manau lon eu fansoun lupwen ekkewe tokter ra pesei an aramas unumi suupwa pwe epwe apochokuna ewe emuun. A wor sokkopaten ekiekin ekkewe sou safei, nge ese wor wesewesen pisekin annet seni science. Ewe mettoch mongo mi murinno ina eu science rese silei. Nge non ei neni, Ellen White a makkei chommong puk non ewe kinikinin pekin safei me mongo. Clive McCay, emon sense loom ussun mongo lon Cornell University, a apasa: “Inaamwo ika ekkewe puken Mrs. a makkei menoom memwen an esamo wor ekkei pisekin ikenai epwe anisikich ren mongo tumunun inisi, eseor och sokun pisek epwe anisikich usun makeien ei fefin.

Ewe Paipel a ossini pwe lon ekkewe ranin sopwoloon ewe liffangen ossini epwe pwalo. Ekkewe pisekin pwarata ra pwarata pwe Ellen White a apwonueta meinisin ekkewe alluk lon Paipel fan iten emon soufos mi enlet. Sia pesei ngonuk om kopwe angei me anneani ekkoch an kewe mak me tapweno mwirin ewe Paipel pwe “kosap turunufasei ekkewe oesini, kopwe sotuni mettoch meinisin, kopwe amwochu minne mi murinno.” 1 Tesalonika 5:20, 21.

